



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Acta Synodalia Osnabrvgensis Ecclesiæ, Ab Anno Christi
MDCXXVIII.**

Brogberen, Johannes

Coloniæ Agrippinæ, 1657

Portio, quae Archiepiscopo solvitur, minimè gravis. 12

urn:nbn:de:hbz:466:1-14298

C A P . IX. Clerici , gravissimorum criminum rei , secundum Canonicas sanctiones puniendi .

Clerici , in gravissimis criminibus deprehensi , juxta Canonicas sanctiones puniuntur . Expedit enim , ut , publice delinquentes & Ecclesiam Dei scandalizantes , publice quoque arguantur & puniantur . Quamobrem tales , vel à Nobis deprehensi , vel extra territoria Nostra per Magistratus capti , ac Nobis juxta sanctiones Canonicas traditi , dignam sui sceleris poenam recipient . Quod si tam grave fuerit , ut degradatione dignum sit , faciemus , ipsoſ curiæ tradi Seculari ; ne Clericali privilegio gaudeant , quo se per flagitia reddiderunt indignos .

C A P . X. De Testamentis insinuandis , approbandis , ac exequendis .

IN Concilio Moguntino sancitum est , ut hæredibus , qui iussa testatorum non admiserint , ab Episcopo loci illius , omnis res , quæ eis relicta est , interdicatur , cum fructibus & emolumentis ; ut vota defunctorum adimplantur . Quamobrem Procuratores Nostræ Fiscales in Diœcesi Nostra Colonensi advigilabunt , ut Testamenta , maxime Ecclesiasticarum personarum , privilegiis Ecclesiarum majoris salvis , intra anni spaciū executioni mandentur ; utque intra idem tempus executores testamentorum legitimū calculum reddant . Quorum etiam Testamentorum insinuationem approbationemque intra triginta dies à morte Sacerdotis peti volumus atque obtineri , nisi ratioq[ue]abilis causa longiorē dilatationē exposcat in præmissis . Dispiciet auter Sigillifer Noster , ut , si quid , in quempiam stultum aut jure prohibitum usum , temere relatum sit , in pium convertatur .

C A P . XI. Bona Presbyteri , ab intestato defuncti , in piam causam convertenda .

Vbi Sacerdos Nostræ Diœcesis Coloniensis mortuus est intestatus , Bona ipsius , præter Patrimonialia quæ hæredibus cedunt , deducto ære alieno & funeralibus , in piam causam , pro defuncti animæ salute , convertantur .

C A P . XII. Portio , quæ Archiepiscopo solvitur , minime gravis .

EA portio , quæ Nobis , ut Archiepiscopo , secundum rationem bonorum (extra quæ tamen Patrimonialia immobilia sunt ,) deducto c. Officiale ære alieno , ex more & speciali conventione testa . cum Clero Nostro inita , debetur , nemini gravis esse potest ; quod major Episcopo secundum Canonicas sanctiones portio , quam ea est quæ ex remissione nostra Nobis solvitur , debeatur .

C A P . XIII. Iuramentorum facilis exactio in judicis refrenanda .

MUltiplex illa & facilis Iuramentorum exactio , quæ in judiciis Ecclesiasticis fit , Nobis probari non potest . Christus inter perfectionis hortamenta ponit & illud , ut in totum abstineamus ab omni jurejurando . Quo colore ergo consuetudo nunc passim jurantium in omni negotio excusari possit , non videmus , nisi aut gravitate negotii aut necessitate . Crebris juramentis raro deest perjurium ; quod gravissime punit Deus . Quamobrem monemus Causidicos , ne tam faciles sint in exigendis malitiæ ac aliis juramentis . Compertum enim habemus , quosdam esse tam male Christianos , qui in re tam seria ludant , ac juramenta interdum exigant , quibus prestitis credere nolint . Ne dicamus , quosdam eò vefaniae prolabi , ut jusjurandum exigant , quod malint suspicari , præstanto violatumiri , quam vere reverenterque adhiberi . Quo laqueo quis perniciosior esse potest ? Admonebit igitur Officialis Noster Causidicos atque alios , juramenta exigentes , ut ea , quæ judicarii processus solemnitas necessario non requirit , remittant ; utque memores sint , eandem manere penam temere exigentem , quæ manet frustra præstantem juramentum .

C A P . XIV. Formula inquirendi hereticos delineanda .

QUAM hæresum ac schismatum in præsen- tiarum plena sint omnia , videbimus ope- ræ precium facturi , si , communicato cum In- quitoribus Apostolicis consilio , formulam quandam inquirendi , juri consentaneam , ac tantum negotium decentem , minimeque capioſam , præscribamus . Quamobrem ea de re Nostris Iurisperitis mandabimus .